

GRAD SARAJEVO**Gradska uprava**

Na osnovu člana 76. stav 1. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), a u vezi sa članom 7. Pravilnika o kriterijima za prihvatanje Pokroviteljstva Grada Sarajeva ("Službene novine Kantona Sarajevo", broj 30/13), gradonačelnik Grada Sarajeva donosi

PRAVILNIK**O IZMJENI PRAVILNIKA O KRITERIJIMA ZA
PRIHVATANJE POKROVITELJSTVA GRADA
SARAJEVA****Član 1.**

U Pravilniku o kriterijima za prihvatanje Pokroviteljstva Grada Sarajeva ("Službene novine Kantona Sarajevo", broj

30/13), u članu 3. stav 1, Opći kriteriji, alineja 1), mijenja se i glasi:

"registracija pravnog lica sa djelovanjem na području grada Sarajeva, za obavljanje i organizovanje manifestacija iz člana 1. ovog Pravilnika i to: - izvod Rješenja o upisu, u registar nadležnog suda, registar nadležnog državnog, federalnog, kantonalnog ili drugog nadležnog organa".

Član 2.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-2400/16
13. maja 2016. godine
Sarajevo

Gradonačelnik
Grada Sarajeva
Prof. dr. Ivo Komšić, s. r.

OPĆINA NOVO SARAJEVO**Općinski načelnik**

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 50. Statuta Općine Novo Sarajevo ("Službene novine Kantona Sarajevo", broj 35/10) Načelnik Općine Novo Sarajevo, dana 16.05.2016. godine, verifikovao je

ODLUKU**O KOREKCIJI REGULACIONOG PLANA "KOVAČIĆI"
(STAMBENA ZADRUGA "BOSNA")****Član 1.**

Usvaja se korekcija Regulacionog plana "Kovačići", u daljem tekstu: korekcija Plana.

Član 2.

Korekcija Plana se odnosi na korigovanje saobraćajnog rješenja za potrebe stambeno-poslovnog objekta kolektivnog stanovanja, koji je izgrađen na zemljištu označenom kao k.č. 805/19 K.O. Novo Sarajevo II, u ulici Ljubljanska čikma bb u Sarajevu, odnosno ukidanje planiranog otvorenog parking prostora sa pristupnom saobraćajnicom.

Član 3.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog korekcije Plana su sastavni dio Regulacionog plana "Kovačići", ("Službene novine Kantona Sarajevo", br. 25/13).

Član 4.

Korekcija Plana je rađena za fazu urbanizma. Izrada iste nije zahtjevala promjene u ostalim fazama Plana, tako da je korekcija Plana usaglašena sa Idejnim rješenjima, koja su sastavni dio Regulacionog plana "Kovačići".

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za oblast prostornog uređenja i urbanizma Općine Novo Sarajevo, Zavodu za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja, gradnja i zaštite okoliša Kantona Sarajevo.

Član 6.

Ova odluka stupa na snagu narednog dana od dana objavljivanja na oglasnoj ploči Općine Novo Sarajevo, a naknadno će se objaviti u "Službenim novinama Kantona Sarajevo".

Broj 04-23-638/16
16. maja 2016. godine
Sarajevo

Načelnik
Općine Novo Sarajevo
Nedžad Koldžo, s. r.

OBRAZLOŽENJE**Pravni osnov**

Pravni osnov za donošenje ove korekcije sadržan je u članu 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05), kojim je regulisano da se u slučajevima evidentnih nedostataka, nedorečenosti ili razlika u grafičkom i tekstualnom dijelu Plana, može izvršiti korekcija provedbenog Plana, s tim da se korekcijom provedbenog Plana ne može mijenjati osnovni koncept Plana. Korekciju provedbenog Plana, na zahtjev Općinskog načelnika, izrađuje Nosilac izrade Plana, a istu verifikuje Općinski načelnik, uz prethodno pribavljenu saglasnost nadležnih ministarstava, a ako je Plan na području Općina koje ulaze u sastav Grada Sarajeva, Općinski načelnik je dužan pribaviti i pismenu saglasnost Gradonačelnika.

Statutarni osnov za izradu korekcije plana je član 50. Statuta Općine Novo Sarajevo, kojim je regulisana nadležnost Općinskog načelnika u sprovođenju.

Razlozi donošenja

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik općine Novo Sarajevo je pokrenuo inicijativu za korekciju Regulacionog plana "Kovačići".

Inicijativa je dostavljena Zavodu za planiranje razvoja Kantona Sarajevo, kao nosiocu izrade usvojenog Regulacionog plana "Kovačići", dopisom broj 02-23-1994/15 od 17.09.2015. godine, a odnosi se na regulaciju parking prostora stambeno-poslovnog objekta kolektivnog stanovanja izgrađenog na zemljištu označenom kao k.č. 805/19 K.O. Novo Sarajevo II, u ulici Ljubljanska čikma bb u Sarajevu.

ZAVOD ZA PLANIRANJE RAZVOJA KANTONA
SARAJEVO
KOREKCIJA REGULACIONOG PLANA "KOVAČIĆI"
(Stambena zadruga "BOSNA")

Direktor
Hamdija Efendić, dipl. ing. građ.

Sarajevo, mart/ožujak, 2016.

NOSILAC PRIPREME
PLANA:

NAČELNIK OPĆINE
NOVO SARAJEVO
NEDŽAD KOLDŽO, s. r.

NOSILAC IZRADE
PLANA:

ZAVOD ZA PLANIRANJE
RAZVOJA KANTONA
SARAJEVO

KOORDINATOR U SEKTORU
ZA PROVEDBENU
DOKUMENTACIJU I
STRUČNA MIŠLJENJA:

STANISLAVA
MARINOVIĆ, s. r.

ODGOVORNI
PLANERI:

MIRZA RUSTEMPAŠIĆ, s. r.

ALMIR HERCEGOVAC, s. r.

I. UVOD

Načelnik Općine Novo Sarajevo je u skladu sa članom 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) pokrenuo inicijativu za korekcijom Regulacionog plana "Kovačići" ("Službene novine Kantona Sarajevo", br. 25/13), u daljem tekstu: korekcija Plana, dopisom broj: 02-23-1994/15 od 17.09.2015. godine. Korekcija se odnosi na regulaciju parking prostora stambeno-poslovnog objekta kolektivnog stanovanja izgrađenog na zemljištu označenom kao k.č. 805/19 K.O. Novo Sarajevo II, u ulici Ljubljanska čikma bb u Sarajevu.

2. IZVOD IZ REGULACIONOG PLANA "KOVAČIĆI"

Izradi Regulacionog plana "Kovačići" pristupilo se na osnovu Odluke o pristupanju izradi Plana ("Službene novine Kantona Sarajevo", br. 06/10).

Površine unutar utvrđenih granica Odlukom o provođenju Urbanističkog plana grada Sarajeva za urbano područje Sarajevo period 1986.-2015., obuhvataju sljedeće zone:

1.2.- 17. - KOVAČIĆI - mješovito stanovanje,

1.3.- 21. - MILJEVIĆI - individualno stanovanje.

Cilj izrade Plana je preispitivanje prostorne organizacije koja je usvojena i definisana Izmjenama i dopunama Regulacionog

plana prostorne cijeline "Kovačići" ("Službene novine Grada Sarajeva", broj 25/86), zbog neusaglašenosti ovog planskog dokumenta sa stanjem nastalim na terenu u proteklom vremenskom periodu.

Prostor Regulacionog plana "Kovačići" pripada administrativnoj teritoriji Općine Novo Sarajevo i sa sjeverne strane graniči sa obuhvatom Regulacionog plana "Kovačići-centar" i trasom južne longitudinalne, sa sjeveroistoka Regulacionim planom "Podgaj-Tekija", sa istoka Regulacionim planom "Soukbunar", sa zapada Regulacionim Planom "Vraca", te sa južne strane granicu Plana definišu padine Trebevića, odnosno administrativna granica Kantona Sarajevo.

Ukupna površina obuhvata Plana iznosi 53,0 ha.

3. KOREKCIJA REGULACIONOG PLANA "KOVAČIĆI"

Predmet korekcije Plana je regulacija parking prostora stambeno-poslovnog objekta kolektivnog stanovanja izgrađenog na zemljištu označenom kao k.č. 805/19 K.O. Novo Sarajevo II, u ulici Ljubljanska čikma bb u Sarajevu, prema sljedećim urbanističko-tehničkim uslovima:

- Parking prostor je riješen unutar prostora obuhvata korekcije koji je definisana na način kako je prikazano u grafičkom prilogu br. 2.
- Pristup na parking prostor je sa ulice Ljubljanska čikma, na način kako je prikazano u grafičkom prilogu br.2.
- Kapacitet parking prostora je definisan u skladu sa prostornim mogućnostima obuhvata korekcije.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVO SARAJEVO
OPĆINSKI NAČELNIK



ODLUKA O KOREKCIJI REGULACIONOG PLANA "KOVAČIĆI"

(Stambena zadruga "BOSNA")

Nosilac pripreme plana:
Načelnik Općine Novo Sarajevo

Nosilac izrade plana:
Zavod za planiranje razvoja
Kantona Sarajevo

Sarajevo, mart/ožujak, 2015.



LOKACIJA KOREKCIJE RP "KOVAČIĆI"



ZAVOD ZA PLANIRANJE RAZVOJA KANTONA SARAJEVO
list br. 1



KOREKCIJA REGULACIONOG PLANA "KOVAČIĆI" - Stambena zadruga "Bosna"

M 1:1000



----- OBUHVAAT KOREKCIJE REGULACIONOG PLANA



POSTOJEĆI OBJEKTI



SAOBRAĆAJNE POVRŠINE

